



清代起居注冊

國立故宮博物院珍藏



目錄
第四十二冊

國立故宮博物院珍藏



清代起居注冊

同治朝 第四十二冊

同治十三年正月上	……	一三三二一
同治十三年正月下	……	一三四一九
同治十三年二月上	……	一三四八七
同治十三年二月下	……	一三五二七
同治十三年三月上	……	一三五五九
同治十三年三月下	……	一三五九七
同治十三年四月上	……	一三六四七
同治十三年四月下	……	一三六七五
同治十三年五月上	……	一三七一三
同治十三年五月下	……	一三七五七
同治十三年六月上	……	一三七八九
同治十三年六月下	……	一三八一七

清代起居注冊——同治朝

(清)桂清楊等奉敕撰 民國72年 臺北市 聯合報
文化基金會國學文獻館印行 影印本

43冊 21公分

據國立故宮博物院藏手稿本影印
聯經出版事業公司總經銷

I. (清)桂清楊等奉敕撰

654.78

7436

72

NT \$ 86,000.00

72·12·0650

·89007199·

清代起居注冊

同治朝第四十二冊

資料提供者 國立故宮博物院
景印者 聯合報文化基金會國學文獻館
發行人 王必成
發行者 聯經出版事業公司

臺北市忠孝東路四段五五七號
電話：七六〇一六一六—二三一七
郵撥：一〇〇五五九號

行政院新聞局登記證局版臺業字〇一三〇號
保有版權·翻印必究

中華民國七十二年十二月初版

咸同兩朝共壹佰冊
定價每部新台幣八六〇〇元

同治十三年歲次甲戌正月初一日乙巳

上詣

奉先殿行禮辰刻

詣

慈寧門外率王公大臣蒙古王貝勒貝子公文武大

小官員行慶賀禮禮成

駕還養心殿

詣鍾粹宮

母后皇太后前遞如意長春宮

聖母皇太后前遞如意辰刻

御太和殿受王公大臣蒙古王貝勒貝子公額駙

台吉文武大小官員及朝鮮國使臣等行朝

賀禮禮成

詣

大高玄殿拈香

壽皇殿行禮

駕進宮午刻

御乾清宮陞座

賜近支宗藩等宴

奉

母后皇太后

聖母皇太后幸漱芳齋看戲進晚膳

駕還養心殿

是日

起居注官

初二日丙午

上詣鍾粹宮

母后皇太后前請安長春宮

聖母皇太后前請安是日午刻

奉

母后皇太后

聖母皇太后幸漱芳齋看戲侍午膳內閣奉

諭旨上年直隸通州等州縣被水災歉業經降旨

分別蠲緩賑濟撫恤小民諒可不至失所惟念
今春青黃不接之時民力未免拮据加恩著將

通州三河武清寶坻薊州香河寧河霸州保定
文安大城固安永清東安宛平良鄉涿州順義
懷柔灤州清苑安肅新城蠡縣雄縣高陽安州
河間獻縣任邱交河景州吳橋東光天津青縣
靜海滄州鹽山開州元城大名東明長垣豐潤
玉田安平定州等四十八州縣成災五六七八
分村莊應納同治十三年春徵新賦一切正雜

糧租竈課均著緩至本年秋後啟徵其歉收三
四分村莊並著緩至本年秋後啟徵其歉收三
四分村莊並著緩至本年麥後啟徵其勘不成
災之房山樂亭博野容城祁州阜城肅寧故城
南皮無極藁城任縣鷄澤清河南樂清豐宣化
武強饒陽深澤等二十州縣歉收三四分村莊
除應完同治十三年春徵新賦均照常徵收外

著將各該州縣被歉村莊原緩至同治三年麥
後啟徵之節年糧租屯米穀豆竈課河淤海防
經費儲備軍餉地租暨出借倉穀等項一併展
至本年秋後啟徵至津軍廳葦漁課納糧地畝
有坐落武清天津二縣地方者如有應行接濟
之處仍著歸入武清天津二縣災歉村莊一併
查辦以紓民力該督等即刊刻謄黃徧行曉諭

務使實惠均霑毋任吏胥舞弊用副朕始和溥
澤嘉惠畿疆至意該部即遵諭行

是日

起居注官宗室奎潤周壽昌

初三日丁未

上詣

壽皇殿行殿

駕進宮

詣鍾粹宮

母后皇太后前請安長春宮

聖母皇太后前請安

是日

起居注官文澂徐致祥

初四日戊申

上詣鍾粹宮

母后皇太后前請安長春宮

聖母皇太后前請安內閣奉

諭旨上年山東各屬被水被蟲被旱被饑地方業

經降旨分別蠲緩小民諒可不致失所惟念今

春青黃不接之時民力未免拮据加恩著將濟

甯州東鄉黑土店等地方任家寨等二十村莊

鄒平縣伏十等里西言禮莊等四十村莊長山
縣西北鄉自修等約大劉套等二十九村莊齊
河縣甘隅頭等地方本街等八十四村莊又併
衛胡其大等地方金家樓等二十二屯莊濟陽
縣毅約等約馮家莊等三十五村莊仲約等約
東侯寺等四十村莊禹城縣坊都等地方東街
等一百八村莊長清縣潘保等保于家屯等一

百九十五村莊東阿縣白洋等材錢家莊等一
百九十四村莊平陰縣朱家園等里史家園等
十二村莊霑化縣永豐等里宋王莊等二十三
村莊寧陽縣西北鄉平六等伍社平六圩等三
十村莊鄒縣石里等社石里等八十二村莊嶧
縣王下等社馮家湖等十三村壽張縣覃北等
里范城莊等一百二村莊荷澤縣小留等都楚

莊等十三村莊曹縣雲趙等里武破樓等七十
六村莊鉅野縣合樂等保馬河等八村莊鄆城
縣東鄉黃垓等集本莊等三十五村莊濮州油
房等里油房莊等九十村莊范縣仲家堂等里
高家莊等六十五村莊觀城縣直隸清豐境寄
莊葛針園辛興屯等里弓家莊等六村莊朝城
縣在一等里南莊等三十八村莊在平縣趙官